

## Frumvarp til laga

um breytingu á raforkulögum, nr. 65/2003 (viðbótarkostnaður).

(Eftir 2. umræðu, 9. maí.)

1. gr.

Á eftir 3. mgr. 16. gr. laganna kemur ný málsgrein, svohljóðandi:

Dreifiveitur skulu í samráði við notendur setja almennar reglur um rekstur og stýringu raforkudreifingar sem Orkustofnun samþykkir. Í reglunum skal m.a. kveðið nánar á um þau atriði sem tilgreind eru í 3. mgr.

2. gr.

Á eftir 3. mgr. 17. gr. a laganna kemur ný málsgrein, svohljóðandi:

Standi væntanlegar tekjur dreifiveitu ekki undir eðlilegum stofn- eða rekstrarkostnaði vegna tengingar notanda samkvæmt gjaldskrá er heimilt að krefja hann um greiðslu gjalds sem nemur viðbótarkostnaði. Sama á við hafi forsendur viðskipta breyst verulega. Í reglugerð skal kveðið á um forsendur vegna útreiknings viðbótarkostnaðar.

3. gr.

Lög þessi öðlast þegar gildi.

